

張大司馬奏稿

第一冊

傳記

張亮基

張亮基江蘇銅山人道光十四年舉人捐內閣
中書十七年補官二十年充文淵閣校閱二十
一年隨大學士王鼎赴河南查辦事件二十二
年以大工合龍出力詔加侍讀銜并賞戴花翎
二十五年升侍讀二十六年京察一等記名以
道府用尋授雲南雲南府遺缺知府二十七年
補臨安府知府二十八年調永昌府二十九年
二月以騰越廳卡外野夷滋擾亮基籌商軍務
督率有方下部優叙七月擢按察使三十年三

月陞布政使八月遷巡撫十二月兼晉雲貴總
督咸豐二年二月以捐脩江蘇賑銀下部優敘
五月調湖南巡撫八月由滇之任時粵匪竄入
湖南亮基行及常德聞長沙被圍疏請防守常
德有旨飭速進兵迅解省城之圍亮基乃馳入
長沙尋又諭曰聞逆首洪秀全楊秀清仍在榔
州城并分距永興縣城其分股撲省安知非牽
率官兵大隊馳救省城陰圖竄擾他處為聲東
擊西之計見在各路援兵到省務將撲城股匪
全數殲除毋任旁竄嗣郴州大股賊匪由小路
北竄而長沙城外之賊距妙高峰負嵎抗拒屢

攻未克九月亮基等飭副將鄧紹良選敢死士潛
由城邊決空地道突出焚其壘斃賊多名既而賊
亦穿地道以火藥轟臨南城數丈盡摧而上亮基
飭副將瞿騰龍等堵擊之賊退乘勢追剿遂夜遁
長沙解圍捷入諭曰此次省城防守八十餘日該
撫等統兵晝夜嚴防內外夾攻疊挫賊鋒保衛省
垣辦理尚無貽誤張亮基著交部議敘十月以岳
州府失守下部議降四級留任有旨改降二級留
任十一月以長沙寶慶辰州等府土匪疊起劫掠
疏請假以便宜從事允之十二月賊由岳州竄入
湖北漢陽武昌相繼臨上澧湖廣總督徐廣緝職

以亮基署湖廣總督尋令派委總兵音德布等於
長沙多雇船隻再挑防城楚兵千名并令鄧紹良
於岳州洞庭湖一帶招募水勇二三百名馳赴漢
口為進剿計亮基以防賊回竄為辭意在專顧湖
南諭曰賊陷岳州棄而不守合股竄踞漢陽武昌
其將順流東竄已屬無疑我兵必須於上游多覓
船隻豫備火具乘流駛下防勦方可得手豈可再
將有用之兵置之無用之地雖湖南各處土匪亦
應勦辦只須本省防兵自可保衛張亮基有統轄
兩省之責豈可置湖北於不問看仍遵前旨飭令
音德布等速帶船隻赴湖北聽調三年正月劉陽

縣匪徒周國愚等作亂。徵知府江忠源勦滅之。二月疏陳籌辦收復撫卹各事宜。三月檄江忠源等勦通城崇陽嘉魚廣濟各土匪。先後平定。時禮部尚書宗室奕湘疏稱湖北江西徧山產木。可隨時砍伐編造木櫓。上按砲位。上命亮基議辦。亮基設三難奏寢其議。五月下游痞匪分股還竄江西彭澤。亮基遵旨駐軍道士狀黃石港一帶。并於漫流設犂岸上結壘。力遏兇鋒。六月疏陳擇要防剿。并分兵援江西省城。略言察看地勢。道士狀江面過寬。難以控制。黃石港江面七八里。無險可扼。且兩處相距甚近。設防於此。下游之黃梅廣濟興國等

處不能兼顧惟廣濟之田家鎮地方對面為半壁
山壁立江心江面最狹稍上為沙村對岸為牛關
磯江流駛急舟行逆水頗形艱阻茲擬於田家鎮
洲尾安設木障環列竹筴寔以沙土以禦銃砲沙
筴中豫留砲眼障上駐兵勇數百名安大砲遇有
賊船上駛看準轟擊擊障於洲洲上紮營深溝固
壘以護木障防賊由陸鈔襲之路大營安於沙村
以便策應南岸可以兼顧興國陸路北岸可以兼
顧廣濟陸路相距俱不過數十里兩路有警既使
分兵就近堵截且廣濟甫定興國民情浮動有此
重兵彈壓亦建威銷萌之道逆船進薄江西省城

亟請分兵馳援而湖北據長江上游此時賊蹤較
近見在已到防所兵勇計三千餘名一面分撥精
壯兵勇馳赴江西聽候調遣七月兼署湖北提督
尋以逆匪分竄河南回省籌辦北路防堵事宜疏
言楚省北境與河南毗連向為捻匪出沒之所見
飭應山孝感等州縣迅速整飭團練加意防範適
聞各匪有取道西平直逼信陽之耗信陽為楚豫
驛遞中途信陽有警則孝感應山處處宜防而應
山之黃土平靖武勝三關為自古南北有事必爭
之地孝感之九里關等處與三關皆有險可憑為
全楚門戶賊蹤雖在豫省全楚之戒備宜嚴疏入

報聞尋河南竄匪由羅山入湖北黃安麻城境亮
基督兵水陸夾擊殲除殆盡八月調山東巡撫命
俟新任總督吳文鎔到鄂再赴新任尋以提督任
務勢難兼顧疏請簡貲署理從之九月江西南昌
解嚴賊下竄安慶尋由湖口上竄臨九江逼近田
家鎮防所亮基飭督糧道徐豐玉等禦之既而賊
船直犯田家鎮陸路賊由彭塘分撲岸上營壘并
陷興國州等處徐豐玉失利陣亡亮基降四級留
任會赴山東巡撫之任上以豫省南路兵勇空虛
捻匪出沒無定深恐竄楚之匪與之勾結命亮基
由豫入東遇賊北竄卽行剿辦時粵匪竄入直隸

臨靜海大軍三面扼守東邊近海處獨缺亮基抵
山東德州一帶督防扼其沿海要路十一月請以
布政使崇恩等在武定德州辦理防勦事自回省
城上切責之命仍赴德州扼要防堵十二月以江
南賊勢猖獗東省兗沂曹三府逼近淮徐飭按察
使厲恩官分兵駐紮宿遷迤北四年正月疏調已
革布政使王簡帶兵駐防如所請行三月江南賊
入東境臨金鄆及鉅野亮基以該逆渡河而北志
在救援北賊必圖迅入直境遂馳扼濟寧以防間
道北竄之路旋以逆賊攻臨鄆城欲撲范縣壽張
東平等處乃復趨東平繞出賊前迎頭截剿尋擊

賊於臨清州之黑家莊斬戰甚多奪其砲台并毀
木城旋以失守屬境城池自請嚴議得旨加恩交
部議處旋以幫辦軍務大臣勝保劾亮基玩視軍
務觀望迨遙并欺飭冒功諭曰張亮基由雲南巡
撫調任湖南適聞賊竄長沙即奏請防守常德擁
兵折回并截留長沙軍餉舉動乖方不知時勢緩
急嗣經嚴飭赴省防守城池并辦理湖北湖南善
後事宜尚有頭緒是以調令巡撫山東該員交卸
時賊氛將近武昌并不將以前有無布置如何守
禦情形詳細向吳文鎔告知輒即趕緊渡江專為
自全之計未及奏報起程迨抵河南卽以山東軍

餉匱乏等詞入奏豫占地步朕已知其居心狡詐
當經硃批訓飭該貪應如何愧奮固守疆圉乃賊
匪竄入東境疊陷城池已致臨清被圍重煩兵力
猶不知趕赴城下與崇恩等內外夾擊由德州紆
折回省繞道東平遷延不進至臨清後紮營八里
莊地方距賊遙遠經駐保咨商仍不移營前進並
不肯令撥練勇為崇恩守禦之助推諉取巧已堪
痛恨復向黑家莊無賊地方空放槍砲縱火焚燒
間房擅報殺賊多名冒功陳奏經該大臣查明議
處並無殺賊痕迹不知張亮基是何肺腑敢肆欺
罔君將其於軍前正法亦屬罪所應得姑念其平

日尚能辦理地方公事張亮基署卽革職發往軍
臺效力贖罪不必再留軍營俾軍務告竣後轉得
希冀邀恩也五年五月奉詔釋回發往湖北軍營
交欽差大臣西凌阿差遣委用六月改發東河河
道總督李鈞差委時給事中毛鴻賓劾勝保臨清
之役袒護提督善祿妄奏亮基上遂褫勝保職御
史宗穆辰疏保人才言亮基有勇肯任事而未盡
其以罪罷去臣甚惜之尋命往安徽隨同巡撫福
濟辦理軍務七年六月賞五品頂戴命赴雲南幫
同雲貴總督吳振械辦理剿匪事宜十二月雲南
核章塘地方漢回之鬪回匪肆行焚殺援及宣威

城亮基督兵擊敗之八年正月又敗之於表家屯
殺賊數百人立解其黨餘匪就撫捷入上嘉獎之
六月授雲南巡撫十一月擢雲貴總督時臨安回
匪以報復漢民為詞聚眾攻城並令援阿迷州等
處亮基派兵次第剿平疏入上嘉其辦理得手九
年正月檄守備何占標剿滅平彝縣馬頭山奸匪
二月擒邱北縣匪黨瞿騰霄戮之先是雲南省城
回眾就撫後時聚悍回於南城外劫奪不法並立
營於碧雞關亮基檄署安寧州知州虞安招集練
目與各鄉團疊次分剿殲斃甚多至是回勢窮蹙
各散歸籍又榆城順寧逆回令股犯緬寧者我兵

擊毀其營六十餘座擒斬甚衆緬境悉平十月迪
西逆回潛入楚雄鎮南甸結夷匪滋事勢張甚亮
基委署楚雄縣知縣積壽等往剿勝之復派都司
高天澤等同往會剿破其營追殺十餘里楚鎮肅
清又檄都司何自清攻嵩明州回逆復其城其夷
匪竄踞武定州及羅次富民祿豐祿勸等縣者經
各州縣負弁先後克復十二月擊匪犯朱開甲等
於鍋底嶺大敗之生擒要犯諸有佩等寘於法尋
又檄守備段定邦剿大關鄉賊斬首役千餘人十
年三月護理巡撫徐之銘疏保亮基之子陝西候
補知府張向宸隨營剿賊疊著戰功請加獎敘亮

基以軍營力將士未邀保獎者尚多具疏辭之先是逆回白結黑元永等并夷民滋事亦至萬餘分踞羊毛關新哨等處亮基派兵分路進剿至是并地悉平四月回匪馬合等圍攻晉寧州城檄進擊何自清等援剿誅馬合十月因病疏懇開缺許之嗣以回夷白結同時滋擾亮基未能先事豫防各郡縣相繼失守坐降二級留任尋因徐之銘之請命亮基暫留本任督辦雲南軍務俟新任總督劉源灝到滇再行交卸同治元年七月兼署雲南提督十一月命以總督銜署理貴州巡撫並署貴州提督亮基自滇赴黔道經四川敘州府適髮逆石

達開大股由橫江來偶近郡城川軍一時未能遽
集亮基與署知府孫濂等布置城防飭隨營副將
楊發貴帶隊迎擊數戰皆捷郡城轉危為安二年
三月抵任時黔亂正熾黃白號匪及苗教各匪竄
擾遵義府桐梓等縣踞螺蛳堰亮基檄總兵沈宏
富等帶隊擊之拔螺蛳堰招安屯寨居民四十餘
處殲餘逆於上稽場尋思南教匪又起擾府城並
分撲印江亮基檄總兵劉義方等分援進剿五月
事平並復普安安南二縣七月督飭官軍克古州
下江八月遣將擊號匪於桐梓之鼎城擊苗匪於
水城廳之馬龍陂皆全勝又以黃白號匪勾結黔